
OFFERYNNAU STATUDOL CYMRU

2004 Rhif 1489 (Cy.154) (C.59)

CEFN GWLAD, CYMRU

**Gorchymyn Deddf Cefn Gwlad a Hawliau
Tramwy 2000 (Cychwyn Rhif 5) (Cymru) 2004**

Wedi'i wneud - - -

8 Mehefin 2004

Mae Cynulliad Cenedlaethol Cymru yn gwneud y Gorchymyn canlynol drwy arfer y pwerau a roddwyd iddo gan adrannau 103(3), (4) a (5) o Ddeddf Cefn Gwlad a Hawliau Tramwy 2000 ("y Ddeddf")(1):

Enwi a chymhwyso

1.—(1) Enw'r Gorchymyn hwn yw Gorchymyn Deddf Cefn Gwlad a Hawliau Tramwy 2000 (Cychwyn Rhif 5) (Cymru) 2004.

(2) Mae'r Gorchymyn hwn yn gymwys i Gymru.

Y diwrnod penodedig

2. Y diwrnod penodedig i'r canlynol ddod i rym—

(a) adran 18 o'r Ddeddf (Wardeniaid);

(b) adran 20 o'r Ddeddf (Codau ymddygiad a gwybodaeth arall); ac

(c) adran 46(1)(a) o'r Ddeddf, ac, i'r graddau y mae'n ymwneud â hi, Rhan I o Atodlen 16 i'r Ddeddf (diddymu adran 193(2) o Ddeddf Cyfraith Eiddo 1925 ("Deddf 1925")(2))

yw 21 Mehefin 2004.

Arbed

3. Er gwaethaf diddymu adran 193(2) o Ddeddf 1925 gan erthygl 2(c) o'r Gorchymyn hwn, mae unrhyw weithred a gyflawnir o dan yr adran honno o Ddeddf 1925 sydd mewn grym yn union o flaen dyddiad dod i rym y Gorchymyn hwn i barhau i fod yn effeithiol.

(1) 2000 p.37.

(2) 1925 p.20.

Statws *This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.*

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth Cymru 1998(3).

8 Mehefin 2004

D. Elis-Thomas
Llywydd y Cynulliad Cenedlaethol

EXPLANATORY NOTE

(Nid yw'r nodyn hwn yn rhan o'r Gorchymyn)

Mae'r Gorchymyn hwn yn dwyn i rym, ar 21 Mehefin 2004, adrannau 18, 20 a 46(1)(a) o Ddeddf Cefn Gwlad a Hawliau Tramwy 2000 ("y Ddeddf") ac, i'r graddau y mae'n ymwneud â diddymu adran 193(2) o Ddeddf Cyfraith Eiddo 1925, Ran I o Atodlen 16 iddi.

Mae adran 18 o'r Ddeddf yn galluogi awdurdodau mynediad i benodi wardeniaid mewn perthynas â thir mynediad er mwyn rhoi cyngor i ddefnyddwyr hawl mynediad a pherchnogion tir ac er mwyn sicrhau cydymffurfedd ag is-ddeddfau, â'r cyfyngiadau a nodir yn Atodlen 2 i'r Ddeddf ac ag unrhyw gyfyngiad neu waharddiad a osodir o dan Bennod II o'r Ddeddf.

Mae adran 20 o'r Ddeddf yn gosod dyletswydd ar Gyngor Cefn Gwlad Cymru ("CCGC") i gyhoeddi cod ymddygiad i roi arweiniad i ddefnyddwyr yr hawl mynediad a phersonau sydd â buddiant yn y tir mynediad (megis ffermwyr, perchenogion y tir a chominwyr). Mae'r adran hefyd yn ei gwneud yn ofynnol i CCGC gymryd y camau hynny y mae o'r farn eu bod yn hwylus er mwyn sicrhau bod y cyhoedd yn cael gwybod am rychwant, a modd, y mynediad i'r tir mynediad a bod y cyhoedd a'r personau â buddiant yn y tir mynediad yn cael gwybod am eu hawliau a'u rhwymedigaethau o dan yr hawl mynediad statudol.

Mae adran 46 o'r Ddeddf a Rhan I o Atodlen 16 iddi yn gweithredu diddymiaidau yn dilyn darpariaethau Rhan I o'r Ddeddf. Mae adran 46(1)(a) o'r Ddeddf yn darparu ar gyfer diddymu adran 193(2) o Ddeddf Cyfraith Eiddo 1925 (sy'n caniatáu i berchenogion tir comin i wneud gweithred gyflwyno fel y daw'r comin yn ddarostyngedig i hawl mynediad ar gyfer awyr iach ac ar gyfer ymarfer y darperir ar ei gyfer yn adran 193(1) o Ddeddf 1925). Nid oes angen y pŵer hwn bellach am fod y pŵer i gyflwyno mynediad dros dir sydd yn adran 16 o'r Ddeddf yn weithredol. Cychwynwyd adran 16 o'r Ddeddf ar 30 Ionawr 2001 gan adran 103(2) o'r Ddeddf ac mae Rheoliadau Mynediad i Gefn Gwlad (Cyflwyno Tir fel Tir Mynediad) (Cymru) 2003 (O.S. 2003/135) (Cy.9) yn darparu'r gweithdrefnau ar gyfer cyflwyno tir.

Mae erthygl 3 o'r Gorchymyn hwn yn cynnwys darpariaeth arbed i alluogi gweithredoedd sydd eisoes yn bodoli ac a wnaed o dan Ddeddf 1925 i barhau mewn grym.

NOTE AS TO EARLIER COMMENCEMENT ORDERS

(Nid yw'r nodyn hwn yn rhan o'r Gorchymyn)

Mae darpariaethau'r Ddeddf y cyfeirir atynt yn y Tabl isod wedi cael eu dwyn i rym mewn perthynas â Chymru gan Orchymnion Cychwyn a wnaed cyn dyddiad y Gorchymyn hwn.

<i>Adran(nau) neu Atodlen(ni)</i>	<i>Dyddiad cychwyn</i>	<i>Rhif O.S.</i>
46(1)(b)	1 Mai 2001	O.S. 2001/1410 (Cy.96) (C.50)
46(3) (yn rhannol)	1 Mai 2001	O.S. 2001/1410 (Cy.96) (C.50)
57 (yn rhannol)	1 Mai 2001	O.S. 2001/1410 (Cy.96) (C.50)
60 a 61	1 Tachwedd 2002	O.S. 2002/2615 (Cy.253) (C.82)
63	1 Ebrill 2004	O.S. 2004/315 (Cy.33) (C.16)

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

<i>Adran(nau) neu Atodlen(ni)</i>	<i>Dyddiad cychwyn</i>	<i>Rhif O.S.</i>
68	1 Mai 2001	O.S. 2001/1410 (Cy.96) (C.50)
70(1) a (3)	1 Ebrill 2004	O.S. 2004/315 (Cy.33) (C.16)
70(2) a (4)	1 Mai 2001	O.S. 2001/1410 (Cy.96) (C.50)
72	1 Mai 2001	O.S. 2001/1410 (Cy.96) (C.50)
Rhan IV (adrannau 82 i 93) (ac yn unol â hynny, Atodlenni 13, 14 a 15)	1 Mai 2001	O.S. 2001/1410 (Cy.96) (C.50)
96	1 Mai 2001	O.S. 2001/1410 (Cy.96) (C.50)
99	30 Ionawr 2001	O.S. 2001/203 (Cy.9)(C.10)
102 (yn rhannol)	1 Mai 2001	O.S. 2001/1410 (Cy.96) (C.50)
Atodlen 4, paragraffau 1, 4, 5 a 6	1 Mai 2001	O.S. 2001/1410 (Cy.96) (C.50)
Atodlen 6, paragraffau 1, 6 a 9(5)	1 Ebrill 2004	O.S. 2004/315 (Cy.33) (C.16)
Atodlen 6, paragraffau 18(a) a 19 (yn rhannol)	1 Mai 2001	O.S. 2001/1410 (Cy.96) (C.50)
Atodlen 16, Rhan I a II (yn rhannol)	1 Mai 2001	O.S. 2001/1410 (Cy.96) (C.50)
Atodlen 16, Rhan V a VI .	1 Mai 2001	O.S. 2001/1410 (Cy.96) (C.50)